

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.12.2018թ. թիվ 1808893102 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<29>> 01 2019թ. 14-13-4396-19/17-13-330

ք. Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Սուրեն Սամվելի Գասպարյանի և Մարիա Հակոբի Ավդալյանի համատեղ դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Դանդիլյան 1-ին նրբանցքի 2Ա շենքի 18-րդ բնակարանի բնակիչներ Սուրեն Սամվելի Գասպարյանը և Մարիա Հակոբի Ավդալյան դիմումով խնդրել են անվավեր ճանաչել Ճանապարհային ոստիկանության վարչական տույժ նշանակելու մասին 17.12.2018թ. թիվ 1808893102 որոշումը՝ նշելով, որ 28.11.2018թ. ժամը՝ 18:10-ին <<INFINITI>> մակնիշի 01FC011 հաշվառման համարանիշի տրանսպորտային միջոցը վարել է քաղաքացի Սուրեն Սամվելի Գասպարյան, ուստի վերջինս խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 17.12.2018թ. թիվ 1808893102 որոշումը՝ նշելով, որ իրավախախտումը կատարել է ծայրահեղ անհրաժեշտությունից ելնելով՝ իր հորը՝ Սամվել Խաչատրյանին հիվանդանոց տեղափոխելիս:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Սուրեն Սամվելի Գասպարյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Դիմումատուն ըստ էության ընդունում է Ճանապարհային ոստիկանության վարչական տույժ նշանակելու մասին 17.12.2018թ. թիվ 1808893102 որոշման իրավաչափությունը և վիճարկում է այն միայն իրավախախտումը ծայրահեղ անհրաժեշտության վիճակում կատարած լինելու հիմքով՝ չներկայացնելով պահանջը հիմնավորող որևէ էական ապացույց:

<<Վարչական իրավախախտումների վերաբերյալ>> ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

<<Վարչարարության հիմունքների և վարչական վարույթի մասին>> օրենքի 43-րդ հոդվածի 3-րդ մասի համաձայն, եթե նույն հոդվածի 1-ին մասի «բ» կետով նախատեսված դեպքում վարչական մարմնի կողմից քննարկվող փաստական հանգամանքների վերաբերյալ տվյալներին (տեղեկություններին) վարչական մարմինը կարող է իրազեկ դառնալ բացառապես տվյալ անձի միջոցով, ապա ապացուցման պարտականությունը դրվում է այդ անձի վրա:

Դիմումին կից ներկայացված <<Ընտանեկան բժշկության կենտրոն>>-ի կողմից տրված քաղվածքը և տեղեկանքը իրավախախտումը ծայրահեղ անհրաժեշտության վիճակում կատարելը հավաստող ապացույց դիտարկել հնարավոր չէ, գործով այլ ապացույցներ չեն ներկայացվել:

<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Վարչական վարույթի ընթացքում չի հիմնավորվել վիճարկվող որոշումով արձանագրված իրավախախտումը ծայրահեղ անհրաժեշտության վիճակում կատարելու հանգամանքը՝ անբավարար փաստական ապացույցների պատճառով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.12.2018թ. թիվ 1808893102 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Սուրեն Սամվելի Գասպարյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սուրեն Սամվելի Գասպարյանին և ՃՈ ՏՄՀԽԱ կենտրոն:



Ն.Սարգսյան